

印度革命与圆桌会议

印度革命與圓桌會議

余葆貞著

1932

上海
大東書局
印行

序言

國家愈文明。人民之眼光亦愈擴大。舉凡世界時事。不問其爲政治、爲軍事、爲經濟、爲文化、以及兩國間交涉談判之事。苟具有連續性者。則必尋其原因。論其結果。審其得失。詳其始終。著成一書。以備國人快覽及外交當局之參考。如日本之於我國香港罷工案其例也。今者印度民族鼓起自治精神。揭革命之旗。宣佈獨立。不屈不撓。與帝國主義者抗。不可謂非印度之一大事也。豈惟印度。亦亞洲也。豈惟亞洲。亦世界也。故各國視線。無不咸注集於亞洲南部之一隅以觀其變。我國與彼連界接境。對英機會尤爲獨多。無如內戰初終。全國上下方注力於內政之改革。對外事情。尙未措意。致使千載良機。交臂失之。殊爲可惜。而去歲英國對華外交。

態度謙抑。爲我國數十年來外交界所僅見。卽此意也。不知原委者。猶以爲國內政治統一。國際地位增高之當然結果。其不諳外情有如是者。著者有鑒於斯。特編茲書。一以述印度政治社會情形。使國人了然知其革命原因之所在。一以敍英印間政治經濟之關係。以作外交當局爲廢除不平等條約之參考。區區微意。在此而已。惟關於印度革命事實。採集綦難。片鱗隻爪。憑材推論。謬誤必多。所望大雅君子。賜予教正。有厚望焉。

民國二十年二月十九日著者序於南京旅次

印度革命與圓桌會議 目次

前編

- 第一章 印度革命之歷史的觀察
- 第二章 印度革命之政治的觀察
- 第三章 印度革命之社會的觀察
- 第四章 印度革命之經濟的觀察
- 第五章 革命領袖甘地傳略
- 第六章 甘地之不合作主義
- 第七章 印度革命運動之經過

第八章 西門委員會之調查

後編

第九章 圓桌會議之由來

第十章 圓桌會議之程序

第十一章 印度代表之聯邦自治要求

第十二章 英代表對印度之態度

第十三章 圓桌會議之各方觀察

第十四章 圓桌會議後印度革命領袖之表示

第十五章 圓桌會議後印度革命行徑之推測

印度革命與圓桌會議

前編

第一章 印度革命之歷史的觀察

披閱印度歷史。使人興奇異之感者有兩事焉。一爲印度亡國。不亡於東亞泱泱之大邦。而亡於遠在歐洲之蕞爾小國。不亡於堅船利砲之征服。而亡於遠東商業之一公司。此一奇也。一爲被亡之國。其人民莫不憤恨切齒。起革命。圖興復。以致干戈迭起。亂象頻聞。而印度自被治於英國後。俯首帖耳。歷百餘年而不生反抗。卽今被民族自決之潮流所催醒。有志之士奔走革命以圖恢復。然其採用之革命方法。不尙實際之武力。而尙虛渺之心靈。此又一奇也。凡

茲兩事。爲世界歷史所無者。印度則兼而有之。豈非歷史上之大奇事乎。

考印度歷史自布拉西一役以來。政治大權已落於英國東印度公司之手。關於一切政治經濟均爲東印度公司所操縱。所謂諸侯王國。不過僅存其名。東印度公司自蠶入印度後。優悠浸漬。經營布置者將及百年。一方吸印度之膏髓。以興英國之工業。一方收印度之心植統治之基礎。迨至根深蒂固。英政府始將印度大權收之於東印度公司之手。將印度土地分而爲二。其一爲印度總督所直轄。稱爲英領印度。其他爲諸侯王支配地。直隸英政府之監督。稱爲諸侯王公國。至一八七七年維多利亞女皇更卽印度皇帝位。不費一兵。不折一矢。而印度遂亡矣。印亡後。一八八六年復併緬甸。一八八七年更併巴的斯坦。於是睡手之間。頓增七倍之人口。十五倍之土地。

。日光不沒之國旗豪語。遂遍騰於世界矣。

印度自亡國後。直至本世紀之發端。人民感於生活之壓迫。文化之衰落。始逐漸覺悟。乃有改革宗教。振興教會。及復興印度古文明之舉。英人休謨 A. O. Hume 及韋德明威廉男爵 Sir William Wedderburn 等更倡議組織印度國民大會。欲使印度與英國主權間兩方之要求凝合爲一。是爲印人政治思想之發端。適一九〇五年便格爾洲分割問題發生。印度人民極力反對。開會演說。日盛一日。政府使用權力壓抑。一方製定爆發物取締。及禁止秘密結社等以防制騷擾之擴大。他方復定「莫禮民特法」略予印度人以參政權。惟人民仍反抗不已。大舉運動。羣向政府進攻。並發表印度國民主義宣言。此爲印度革命最初萌芽時代。

自便格爾洲問題發生後六年。卽一九一一年。英王佐治五世駕遊

印度。考察印度情形。並舉行皇帝卽位式。且將國都由加爾各達遷至的里。人民再起反抗。當總督哈頂氏舉行的里入都儀式時。印度青年竟以炸彈向其炸擊。此爲印度革命最初實行時代。

迨一九一四年歐洲大戰爆發。英國氣窮力竭。無法東顧。德國復乘機煽動。實爲印度革命千載一時良機。一般革命青年。蠢蠢欲動。不可終日。英政府施其懷柔政策。勸印度誠心助英。並許印度以獨立權利。印度國會卽開議討論。當時因應國民情感。雖均贊成印度自立。惟用何種形式以實行自治。尙無一致之意見。有則主張與英國合作。有則主張驅逐英人出印度境外。有則主張採用屬國制度例如加拿大。有則主張鼓動印度獨立。模仿新興之日本。惟甘地則建議一種解決方法。主張與英國合作。接受英政府許與之獨立權利。當時革命領袖之最有勢力者一爲國民會議派首領提拉克。提氏人

格。如一柄三片合成之鐵。一爲強健之腦力。一爲堅決之意志。一爲高尚之品格。最爲當時民衆所傾慕。其他爲立憲派首領哥黑爾。哥氏雖不若提氏之幹練精深。然學問淵博。性情和藹。爲溫和派青年所歸附。兩氏均趨甘地主張。於是英印協調。九十七萬印軍隨而出發歐洲助戰矣。不意迨至一九一八年冬季。歐戰情勢一變。英國危險已完全脫去。消息飛來。印度獨立權利。不惟等同畫餅。英政府且於立法院開會時提出牢力 (Rowlatt) 條例。施行防衛。組織秘密偵查隊。檢查言論。直以敵人之待遇者對印度。全印嘩然。革命由是爆發。甘地之不合作運動。亦從此開始矣。

由此觀之。印度之亡。非英國亡之。實印人之自亡也。印度革命。非印人自革命之。實英政府代革命之也。當蒙戈爾之世。印度苟能意見一致。團結精神。英雖臨以全國之兵力。尤恐未易征服。况

以一公司之侵略耶。又歐戰告終之際。使英無食言欺騙之事。以生性仁愛之印人。亦必和平以相處。革命運動終不至如是之劇烈。今者革命風潮日盛一日。各地民族相繼迭起。駸駸乎將有離英獨立之勢。若非英政府採用壓迫政策之結果。印度民族精神。何能發達至於如是耶。語曰。壓力愈重則反力愈大。印度而欲期革命之成功。當不可以英人之壓迫爲怨矣。

第二章 印度革命之政治的觀察

當二十世紀民主政治潮流洶湧澎湃之今日。諸先進民族。久已酣歌嬉舞以慶享人類最高之自由幸福生活。即於被壓迫諸弱小民族。亦羨之慕之。喁喁然舉足向望。思欲達於太平仁宇之域。而與帝國主義者作殊死爭。然回顧印度。依然鼙聲如雷。臥居南服。爲宗教階級思想所麻醉。以度其由遠古所遺留至今而未改之簡劣生活。不知平等自由幸福爲何物。蓋同是人類。而政治幸福之一進一退。相去懸殊至於如此。此印度有志之士。所以寧粉身碎骨而奔走革命也。茲述其現在政治之現象如次。

(一) 教育 印度一般人民。智識非常幼稚。教育極不發達。人民大都不解文字。據一九二一年調查。全印度五歲以上之男子

。解文字者不及百分之十四。女子僅百分之二。自一九一九年憲法實施以來。以努力普及教育之結果。雖略見進步。然以學生受政治運動之影響。往往離開學校。尤以英人所辦學校。印人頗抱反感。不願使子弟入學。故近十年來。印度教育。仍不見有若何成績。選舉投票甚感困難。選舉時乃於候選者姓名之旁附以如國旗、車輪、人物、手掌、馬、象、獅、虎、洋傘、樹、刀等圖畫。凡投票者但於此圖畫之旁加以「X」符號即作中選。人民智識之低下乃至如此。欲求政治之進步。非亟亟努力於教育普及以求挽救不可。

(二)選舉 印度土地廣闊。選舉區域過大。有選舉者甚屬寥寥。且散在各州。尤為障礙。印度全土面積為一百七十八萬平方英里。其屬諸侯領土者約占七十萬方里。除波爾馬外。八州人

口綜計達二萬萬二千七百二十三萬。以人民無智識。選舉權頗受制限。有選舉權者僅六百三十萬五千人。僅占總人口百分之三。選舉資格注重於有財產者。凡貧民階級及無財產之婦女。均無選舉權。且此少數之有選舉權者。又多散在各州。以印度面積之廣。階級意見之深。平日意見既不相通。欲期選舉之得宜而不生弊害。實大難事。

(三) 諸侯王國 印度之諸侯王國爲數甚多。且與英領印度利害不相一致。印度之諸侯王國。各自成家。雖自一九一九年有憲法實施之明文。而所謂代議政治。仍未行之於各諸侯國境。其與英國關係。專恃一種條約以爲規定。由印度總督府派遣代表爲其顧問。仍維持其半獨立國之地位。自一九一九年憲法頒布後乃於一九二一年設立諸侯會館。由一百零八之大諸侯王國。

與一百二十七之中等諸侯王國選出代表十二人組織之。此會館即爲衆諸侯之發言機關。彼等既與英領印度利害不相一致。深恐印度政治改良或進步。影響於彼等之權利與地位。頗不願英國將政權委之於印度之政治家。故曾於一九二八年議決聲明。諸侯王國地位。苟不經彼等同意。決不願有所變更云。其離奇之狀。誠百思不得其解。

印度政治之衰退。其原因雖多。而英國對印之愚民政策。實其重要之一也。英帝國自囊括印度以來。只知搾取印度金錢以振興本國工業。而於教育政治等諸要端。則漠然不加注意。殊非所以待海外殖民之道。且計英國每年剝削印度脂膏。達二十萬萬盧比之巨。若能分其若干以興辦印度所應享之幸福。則印度政治。當不至於如此。而乃目覩其衰萎而不一顧。誠屬大乖人道。蓋英之意。以爲印度

教育發達。民智開通。其人民將必起而爭政治之解放者有如菲律賓之於美利堅。以其興教育而自取紛擾。毋寧愚民智而長治久安爲得計。由此觀之。在英統治下之印度。欲求政治之改良。人民幸福之增進。殊戛戛其難哉。